



অবিলম্বে প্রকাশের উদ্দেশ্যে: 8/11/2022

গভর্নর ক্যাথি হোকল

2022 সালের নিউ ইয়র্ক স্টেট ক্যানেল কনফারেন্স রচেস্টারে আয়োজিত হবে বলে
গভর্নর হোকলের ঘোষণা

**দুই বছর অন্তর আয়োজিত এই সম্মেলন নিউ ইয়র্ক স্টেটজুড়ে ক্যানেল
কমিউনিটিগুলোকে সমৃদ্ধ করার কৌশলসমূহ শেয়ার করার জন্য
অ্যাডভোকেটদেরকে একত্রিত করে**

গভর্নর ক্যাথি হোকল আজ ঘোষণা করেছেন যে রচেস্টার সিটি 2022 সালের নিউ ইয়র্ক স্টেট ক্যানেল কনফারেন্স আয়োজন করবে, যেটি দুই বছর অন্তর আয়োজিত একটি অনুষ্ঠান যেখানে খাল-বিল ও নদ-নদী সম্পর্কে আগ্রহী ব্যক্তি, পেশাজীবী ও বিশেষজ্ঞরা নিউ ইয়র্ক স্টেটের খালগুলোর সাথে সম্পর্কিত বিভিন্ন বিষয় সম্পর্কে জানার পাশাপাশি সেগুলোর সমৃদ্ধ ইতিহাস উদযাপনের জন্য একত্রিত হয়ে থাকেন। 2 অক্টোবর থেকে 4 অক্টোবর পর্যন্ত স্ট্র্যাথালান হোটেলে অনুষ্ঠিত হতে যাওয়া এই সম্মেলনের আয়োজনকারী হচ্ছে ক্যানেল সোসাইটি অব নিউ ইয়র্ক স্টেট (Canal Society of New York State) এবং এর পৃষ্ঠপোষকতা করছে নিউ ইয়র্ক পাওয়ার অথরিটি (New York Power Authority), নিউ ইয়র্ক স্টেট ক্যানেল কর্পোরেশন (New York State Canal Corporation), এবং এরি ক্যানেলওয়ে ন্যাশনাল হেরিটেজ করিডর (Erie Canalway National Heritage Corridor)। এই অনুষ্ঠান রচেস্টারের ডাউনটাউনে শত শত মানুষকে আকৃষ্ট করবে বলে প্রত্যাশা করা হচ্ছে, যা স্থানীয় অর্থনীতিকে উজ্জীবিত করতে সাহায্য করবে।

"2025 সালে এরি ক্যানেল চালু হওয়ার 200তম বার্ষিকী উদযাপনের জন্য প্রতীক্ষায় থাকার এই সময়ে, ক্যানেল সংলগ্ন কমিউনিটিগুলোর জন্য এটি নিউ ইয়র্ক স্টেটের জন্য এই মুহূর্তটির ঐতিহাসিক গুরুত্ব উদযাপন করার এবং একইসাথে আমাদের ক্যানেল সিস্টেম সেগুলোর স্থানীয় কমিউনিটিগুলোতে যে মূল্যবান ভূমিকা রাখে এবং সেই কমিউনিটিগুলোর জন্য যে গর্ব বয়ে আনে তা পরিমাপ করার একটি সুযোগ," বলেছেন **গভর্নর হোকল**। "ক্যানেল কনফারেন্স নিউ ইয়র্কবাসীদেরকে তাদের জলপথগুলোর সাথে সংযুক্ত করে, অধিবাসীদের সঙ্গে স্টেটজুড়ে বিভিন্ন স্থান থেকে আসা অ্যাডভোকেট ও বিশেষজ্ঞদের একত্রিত করে এবং এর মাধ্যমে তাদেরকে অনুপ্রাণিত করে।"

2022 সালের ক্যানেল কনফারেন্সে রচেস্টারের [ROC দ্যা রিভারওয়ে কর্মসূচি](#) - গিনিস নদী সংলগ্ন দুই ডজনেরও বেশি রূপান্তরমূলক প্রকল্পকে একটি একীভূত কৌশলের অধীনে নিয়ে আসার জন্য একটি উদ্যোগের সম্মানে একটি কমিউনিটি উদযাপন অন্তর্ভুক্ত থাকবে। এই কর্মসূচিতে বিভিন্ন ধরনের প্রকল্প, যেমন নর্থ স্টার কমন্সে সম্প্রতি সম্পন্ন হওয়া ওয়েস্ট রিভার ওয়াল প্রোমেনেডের

প্রথম পর্যায়, সেন্টার সিটির মধ্য দিয়ে নদীর তীর সংলগ্ন গিনিস রিভারওয়ে ট্রেইল সম্পন্ন হওয়া, এবং চার্লস ক্যারল প্লাজা ও গিনিস ক্রসরোডস পার্কের পুনরায় নকশা করা অন্তর্ভুক্ত রয়েছে। এছাড়াও এই পরিকল্পনায় নদীর তীরবর্তী বৃহৎ ফ্যাসিলিটিগুলোর উল্লেখযোগ্য উন্নতির রূপকল্প গ্রহণ করা হয়েছে, যার মধ্যে ওয়ার মেমোরিয়ালের ব্লু ক্রস এরেনা; জোসেফ এ ফ্লোরেনো রচেস্টার রিভারসাইড কনভেনশন সেন্টার; এবং রান্ডেল মেমোরিয়াল লাইব্রেরি ভবন অন্তর্ভুক্ত রয়েছে।

নিউ ইয়র্ক পাওয়ার অথরিটির (New York Power Authority) অন্তর্বর্তীকালীন প্রেসিডেন্ট ও CEO জাস্টিন ই. ড্রিসকল বলেন, "আমাদের স্টেটের ইতিহাসে খুব অল্প সংখ্যক বিষয়ই এরি ক্যানেলের মতো এতটা প্রভাবপূর্ণ, সমৃদ্ধ ও গুরুত্বপূর্ণ, এবং দুই বছর অন্তর আয়োজিত ক্যানেল কনফারেন্সটি এই লেকের তীর সংলগ্ন স্টেকহোল্ডারদের একত্রিত হওয়ার এবং কিভাবে আমরা এটির ভবিষ্যতকে সবচেয়ে ভালোভাবে সুরক্ষিত রাখতে পারি তা শনাক্ত করার জন্য অত্যন্ত গুরুত্বপূর্ণ একটি ভেন্যু। এই ক্যানেল এবং এর শাখা-নদীগুলো আমাদের অর্থনীতির চালিকাশক্তি হিসেবে ভূমিকা রাখছে এবং এখন পর্যন্ত তীরবর্তী অঞ্চলের কমিউনিটিগুলোকে সমৃদ্ধ করছে, এবং এই ফোরাম আমাদেরকে ক্যানেল সিস্টেমটিকে পরবর্তী প্রজন্মের নিউ ইয়র্কবাসীদের জন্য প্রাণবন্ত অবস্থায় বজায় রাখার জন্য কিভাবে সবচেয়ে ভালোভাবে সুরক্ষিত রাখা যায় ও কাজে লাগানো যায় সে ব্যাপারে স্টেটের বিশিষ্ট বিশেষজ্ঞদের মতামত জানার সুযোগ করে দেয়।"

স্টেট সিনেটর জেরেমি কুনি বলেন, "এই অক্টোবর মাসে রচেস্টারে 2022 সালের নিউ ইয়র্ক স্টেট ক্যানেল কনফারেন্সকে স্বাগত জানাতে পেরে আমরা আনন্দিত। ROC দ্য রিভারওয়ে প্রকল্পগুলো ভালোভাবে এগিয়ে চলায় এবং একটি ক্যানেল সিটি হিসেবে আমাদের সমৃদ্ধ সাংস্কৃতিক ঐতিহ্য নিয়ে, রচেস্টার এই অনুষ্ঠান আয়োজনের জন্য সবচেয়ে উপযুক্ত স্থান যা আমাদের স্থানীয় অর্থনীতিকেও সহায়তা করবে। আমি ক্যানেল সোসাইটি অব নিউ ইয়র্ক স্টেট এবং আমাদের অঞ্চলের জন্য এই সুযোগ পাওয়া সম্ভব করে তোলার জন্য কাজ করা সহযোগী অংশীদারদের সবার প্রতি কৃতজ্ঞ।"

অ্যাসেম্বলি সদস্য হ্যারি ব্রনসন বলেন, "এরি ক্যানেল নিউ ইয়র্ক স্টেটের সবচেয়ে মূল্যবান বৈশিষ্ট্যগুলোর মধ্যে অন্যতম। একসময় পণ্য পরিবহনের জন্য ব্যবহৃত হওয়া 350 মাইলের চেয়েও বেশি বিস্তৃত ক্যানেলটি বর্তমানে পর্যটকদের আকৃষ্ট করছে এবং অর্থনৈতিক চালিকাশক্তি হিসেবে ভূমিকা পালন করছে। 2 অক্টোবর থেকে 4 অক্টোবর পর্যন্ত রচেস্টারে নিউ ইয়র্ক স্টেট ক্যানেল কনফারেন্স আয়োজিত হতে যাচ্ছে জেনে আমি আনন্দিত। আমাদের ROC দ্য রিভারওয়ে কর্মসূচি প্রদর্শন এবং পরিবারগুলোর জন্য রচেস্টারের বহু জলপথের দিকে দৃষ্টি আকর্ষণকারী মজার ক্রিয়াকলাপের আয়োজন করার এই সুযোগ পেয়ে আমাদের অঞ্চল উচ্ছসিত!"

অ্যাসেম্বলি সদস্য ডেমন্ড মিকস বলেন, "এরি ক্যানেলের পাশে রচেস্টার, NY-তে নিউ ইয়র্ক স্টেট ক্যানেল কনফারেন্সকে স্বাগত জানাতে পারাটা আমার জন্য আনন্দের ব্যাপার! রচেস্টারের সমৃদ্ধ ইতিহাস এটির চমৎকার জলপথের সাথে সরাসরি সম্পর্কযুক্ত যা আমাদের বহু পূর্বপুরুষকে তাদের সন্তানদের জন্য একটি উন্নত জীবনের সন্ধানে এই অঞ্চলে নিয়ে এসেছিল। মিডওয়েস্টে অঞ্চলে যাওয়ার এই গেটওয়ে ব্যবসা প্রতিষ্ঠানগুলোকে সমৃদ্ধ হয়ে উঠতে এবং পরিবারগুলোকে জনসমাগমের স্থানগুলো উপভোগ করতে সাহায্য করেছে, এবং আরো বেশি সংখ্যক কমিউনিটি

সদস্যের জন্য এসব সুযোগ-সুবিধা সম্প্রসারণের জন্য আমাদের স্টেট বিনিয়োগ করা অব্যাহত রেখেছে দেখে আমি রোমাঞ্চিত। ROC দ্যা রিভারওয়ে নতুন ব্যবসা প্রতিষ্ঠান চালু করবে, উন্নত আবাসন তৈরি করবে, এবং এখানে ডাউনটাউন রচেস্টারে এসব সুযোগ-সুবিধা প্রদান করার মাধ্যমে আমাদের সিটিকে আরো বেশি সমতাপূর্ণ হয়ে উঠতে সাহায্য করবে। স্টেটের বিনিয়োগের জন্য আমি কৃতজ্ঞ এবং রচেস্টারের জন্য একটি অধিকতর উজ্জ্বল ভবিষ্যত গড়ে তোলার প্রত্যাশা রাখি।"

নিউ ইয়র্ক স্টেট ক্যানেল কর্পোরেশনের ডিরেক্টর ব্রায়ান ইউ. স্ট্র্যাটন বলেন, "প্রায় দুই শতাব্দী ধরে, এরি ক্যানেল নিউ ইয়র্ক জুড়ে লোকজন ও বাণিজ্যের মধ্যকার সেতুবন্ধন হিসেবে কাজ করেছে। ক্যানেল সিস্টেমে আমাদের অব্যাহত বিনিয়োগ কিভাবে আপস্টেট নিউ ইয়র্ক জুড়ে কমিউনিটিগুলোতে চিত্তবিনোদনের ক্ষেত্রে ও স্থানীয় ব্যবসা প্রতিষ্ঠানগুলোকে সহায়তা করেছে তা তুলে ধরার জন্য স্টেকহোল্ডার ও সহকর্মীদের সঙ্গে নিয়ে কাজ করতে পেরে NYS ক্যানেল কর্পোরেশন রোমাঞ্চিত। দুই বছর অন্তর আয়োজিত এই সম্মেলন ক্যানেল সিস্টেমের ব্যাপারে উৎসাহী নিউ ইয়র্কবাসীদেরকে একত্রিত করে, যা আমাদের ভবিষ্যত যাতে পরবর্তী প্রজন্মের জন্য গতিশীল ও প্রাসঙ্গিক হয় সে বিষয়টি নিশ্চিত করে এবং একইসাথে আমাদের শেয়ার করা সমৃদ্ধ ইতিহাসের প্রতি সম্মান প্রদর্শন করে।"

নিউ ইয়র্ক স্টেট ক্যানেল কনফারেন্সের সভাপতি ক্যাল ওয়াইসোকউস্কি বলেন, "ক্যানেল কনফারেন্স আমাদের স্টেট জুড়ে বিভিন্ন স্থানের কণ্ঠস্বরগুলোকে একত্রিত করে আমাদেরকে এরি ক্যানেল এবং এর তীরবর্তী কমিউনিটিগুলোর জন্য কিভাবে সেবা ভবিষ্যত নির্মাণ করা যায় সে ব্যাপারে একে অপরের কাছ থেকে জানার সুযোগ করে দেয়। ক্যানেল কনফারেন্সকে রচেস্টারে নিয়ে আসতে পেরে - যে স্থানটিকে এই ক্যানেল এটির শুরুর দিনগুলোতে একটি ফ্রন্টিয়ার আউটপোস্ট থেকে বেড়ে উঠে একটি সমৃদ্ধ নবীন কমিউনিটিতে পরিণত হতে সাহায্য করেছিল - এবং নিউ ইয়র্ক স্টেট ও এর বাইরের দর্শনার্থীদের কাছে এরি ক্যানেলের প্রচারণা চালানো এবং এটির সংরক্ষণের জন্য এই সিটি যে অসাধারণ কাজ সম্পন্ন করেছে তা উদযাপন করতে পেরে আমরা রোমাঞ্চিত।"

এরি ক্যানেলওয়ে ন্যাশনাল হেরিটেজ করিডর-এর এক্সিকিউটিভ ডিরেক্টর বব র্যাডলিফ বলেন, "গত বছরের নিউ ইয়র্ক স্টেট ক্যানেল কনফারেন্স অসাধারণ তথ্যমূলক ও মনোমুগ্ধকর ছিল। রচেস্টারে এবছরের সম্মেলনের জন্য পুনরায় সহায়তা করতে পেরে আমরা উচ্ছসিত এবং ক্যানাল লিডারদের একটি সেবা মানের সম্মেলন আয়োজনের জন্য ক্যানেল সোসাইটির প্রচেষ্টাকে আমরা সাধুবাদ জানাই।"

ভিজিট রচেস্টার (Visit Rochester)-এর প্রেসিডেন্ট ও CEO ডন জেফরিস বলেন, "রচেস্টারে ক্যানেল সোসাইটি অব NYS এর দ্বিবার্ষিক সম্মেলনকে স্বাগত জানাতে পেরে এবং এরি ক্যানেলের '100 মাইল দীর্ঘ অবশ্য দর্শনীয় এলাকার' উপর আলোকপাত করতে পেরে আমরা উচ্ছসিত। দীর্ঘ সময় ধরে আয়োজিত হয়ে আসা নিউ ইয়র্ক স্টেটের এই অনুষ্ঠান ROC দ্যা রিভারওয়ের প্রতি অব্যাহত মনোযোগ আকৃষ্ট করবে, যেটি আমাদের ঐতিহ্যবাহী নদীর তীর - ডাউনটাউন রচেস্টারের রূপান্তরের এবং দর্শনার্থী ও স্থানীয় কমিউনিটির কাছে আমাদের আবেদনের একটি গুরুত্বপূর্ণ অংশ - নিয়ে পুনরায় ভাবনার জন্য সিটির পরিকল্পনা।"

রচেস্টারের মেয়র মালিক ইভান্স বলেন, "রচেস্টার একটি শক্তিশালী কমিউনিটি ও গভীর ইতিহাস সমৃদ্ধ প্রাণবন্ত একটি সিটি, এবং আমি সম্মানিত বোধ করছি যে এটি 2022 সালের ক্যানেল কনফারেন্সের ভেন্যু হতে যাচ্ছে। জলপথের এই ঐতিহাসিক নেটওয়ার্ককে নিউ ইয়র্কবাসী ও পর্যটকদের জন্য সমানভাবে একটি চিত্তবিনোদনমূলক গন্তব্যস্থলে পরিণত করার জন্য এই সম্মেলনের লক্ষ্য উপস্থাপনের জন্য রচেস্টার সিটি সবচেয়ে উপযুক্ত স্থান প্রদান করেছে। এটি অনস্বীকার্য যে খাল-বিল ও নদ-নদীগুলো সেগুলোর পার্শ্ববর্তী কমিউনিটিগুলোর সামাজিক, সাংস্কৃতিক, ও অর্থনৈতিক কাঠামোর সঙ্গে ওতপ্রোতভাবে জড়িত এবং আমি গর্বিত যে স্টেটের ক্যানেল সিস্টেমের ভবিষ্যতের জন্য নিউ ইয়র্ক স্টেট বিনিয়োগ করেছে।"

সম্মেলনের উদ্বোধনী অনুষ্ঠানগুলোর মধ্যে গিনিস নদী সংলগ্ন অংশে প্যাডেলিং, হাইকিং ও সাইকেল চালনা, রচেস্টার সিটির ঐতিহ্যবাসী অ্যাকুয়াডাক্ট নিয়ে পুনরায় ভাবনার জন্য সিটির পরিকল্পনার প্রতি প্রথম দৃষ্টিপাত, এবং জলপথে নৌকা ভ্রমণ অন্তর্ভুক্ত রয়েছে। তিন-দিন ব্যাপী চলমান এই অনুষ্ঠানে ক্যানেলের থিমে সাজানো উপস্থাপনা ও প্রদর্শনীর পাশাপাশি উপস্থিত ব্যক্তিদের জন্য কর্মশালায় অংশগ্রহণের সুযোগ এবং এরি ক্যানেল সংলগ্ন অংশে ঘুরে বেড়ানোর সুযোগও থাকবে। কর্মসূচি সম্পর্কে আরো তথ্যের জন্য এবং নিবন্ধন করতে অনুগ্রহ করে ভিজিট করুন: <https://www.nyscanalconference.org/>

###

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418